



## **R R E G U L L O R E**

### **PËR PROCEDURAT DHE KRITERET PËR ZGJEDHJEN E LAUREATËVE TË VITIT NË SPORT**

**Dhjetor 2023**



Duke u bazuar në nenet 12.2 shkronja (c), nenin 17 shkronja (c), të Ligjit për Vetëqeverisjen Lokale Nr.03/L-040, (“Gazeta Zyrtare e Republikës së Kosovës” Nr. 28/2008); Neni 65 paragrafi 2 i Ligjit për Sport Nr.2003/24; Neni 14 i Ligji Nr.04/l-075 për Ndryshimin dhe Plotësimin e Ligjit Nr.2003/24 për Sport; Rregulloren e MAPL-së Nr.01/2017 për procedurën e hartimit dhe publikimin e akteve të Komunës; Statutit të Komunës së Shtimes 01Nr.06/1636 date 03.09.2008; Kuvendi i Komunës së Shtimes, pasi shqyrtoi propozimin e Drejtorisë për Kulturë, Rini dhe Sport, si dhe procesit të mbajtur të diskutimit publik me qytetarë, në seancën e rregullt të mbajtur më datën 27.12.2023, miratoi këtë:

## **R R E G U L L O R E**

### **PËR PROCEDURAT DHE KRITERET PËR ZGJEDHJEN E LAUREATËVE TË VITIT NË SPORT**

#### **I - DISPOZITAT E PËRGJITHSHME**

##### **Neni 1**

Me këtë Rregullore përcaktohen kriteret dhe mënyra me të cilën Komuna e Shtimes jep lëvdata dhe shpërblime për punë të suksesshme dhe të vazhdueshme në sport, si dhe për kontribut të përhershëm për promovimin e sportit dhe imazhit të qytetit të Shtimes.

##### **Neni 2**

Shpërblimet dhe mirënjohjet u jepen punonjësve të sportit nga komuna e Shtimes, sportistëve, ekipeve sportive, si dhe personave tjerë juridik dhe fizik në përputhje me Ligjin për Sport dhe aktet tjera nënligjore të kësaj fushe.

##### **Neni 3**

Shpërblime dhe mirënjohje jepen për sportet e mëposhtme:

3.1 Futboll, Basketboll, Hendboll, Volejbol, Pingpong, Atletikë, Not, Boks, Xhudo, Mundje, Taekëondo, Autosport, Çilizëm, Tenis, Shejntari, Kick-Boks, Karate, Skitari, Karling, Kalërim, Lundrim, Bodybuilding dhe Fitnes, Peshëngritje, Shigjetari, Gjimnastikë, Pentatlon, Alpinizëm, Shah, Bowling, Aeronautikë, Minigolf dhe Peshkatari.

3.2 Shpërblimet do t’u jepen:

- 3.2.1 Një (1) sportisti më të suksesshëm - kategorinë senior/e,
- 3.2.2 Një (1) sportisti më të suksesshëm - kategorinë junior/e,
- 3.2.3 Një (1) sportisti më të suksesshëm - kategorinë kadetë/e,
- 3.2.4 Një (1) skuadre më të suksesshme femrash,
- 3.2.5 Një (1) skuadre më të suksesshme meshkujsh,

- 3.2.6 Një (1) trajneri më të suksesshëm,
  - 3.2.7 Një (1) mirënjohje për afirmimin e sportit,
  - 3.2.8 Një (1) trajner më i suksesshëm për të ri,
  - 3.2.9 Një (1) punëtor sportiv më të suksesshëm,
  - 3.2.10 Një (1) sportisti më të suksesshëm / sportisti me aftësi të kufizuara,
  - 3.2.11 Një (1) klubi sportiv më të suksesshëm në sportet ekipore,
  - 3.2.12 Një (1) klubi sportiv më të suksesshëm në sportet individuale,
  - 3.2.13 Një (1) ekipi më të suksesshëm shkollor,
  - 3.2.14 Një (1) sportisti më të suksesshëm nga Komuna e Shtimes që garon për një skuadër të huaj apo shtet të huaj,
  - 3.2.15 Sportistët të cilët e kanë përfaqësuar Kosovën në arenën ndërkombëtare (në Kampionatin Ballkanik, në Kampionatin Evropian, në Kupën Evropiane dhe Botërore).
- 3.3 Shpërblimet do t'u jepen në formë të pllaketave, medaljeve e në formë shpërblimeve tjera.

## **II - KRITERET DHE PROPOZIMET**

### **Neni 4**

- 4.1 Të drejtën për të aplikuar si kandidat për shpërblime dhe mirënjohje kanë personat juridik dhe fizik, anëtar të komunitetit sportiv në komunën e Shtimes.
- 4.2 Kandidatët patjetër duhet të jenë anëtar të klubeve, të cilat janë të licencuara nga federatat kombëtare dhe të njohura zyrtarisht nga Komiteti Olimpik i Kosovës (KOK) dhe Departamenti për Sport në Ministrinë e Kulturës, Rinisë dhe Sportit.
- 4.3 Njihet vetëm rang lista zyrtare në fund të vitit ose sezonit garues të Federatës Kombëtare ose Ndërkombëtare.
- 4.3.1 Në rast të ekzistimit të rangut identik pas zbatimit të kriterëve të përcaktuara në paragrafin e parë të këtij neni, Komisioni ka të drejtën ekskluzive të marrë vendim që t'i jap përparësi individit dhe/ose ekipit. Në rast të një arritjeje të rëndësishme sportive, federata e sportit në të cilën kandidati ka arritur rezultatin nuk është në listën zyrtare të federatave kombëtare sportive dhe/ose është në proces të njohjes, Komisioni ka të drejtë të marrë një vendim me përjashtim të atij kandidati.

### **Neni 5**

- 5.1 Drejtoria për Kulturë, Rini dhe Sport bënë shpalljen e konkursit publik në tabelën e publikimeve pranë Komunës së Shtimes dhe në ueb-faqen e Komunës. Afati për aplikim është 15 ditë kalendarike.
- 5.2 Në aplikimin të cilin e parashtrojnë kandidatët, duhet që të dorëzojnë biografi të shkurtër të karrierës sportive, vërtetim për pjesëmarrje dhe/ose rezultat, vërtetim për numrin e pjesëmarrësve në gara, rang listë dhe vërtetim nga federata kombëtare anëtarët të së cilës janë, në formë të shtypur ose në formë elektronike.

## **Neni 6**

### **Komisioni për Shqyrtimin e Aplikacioneve**

- 6.1 Kryetarin dhe anëtarët e Komisionit i emëron kryetari i Komunës së Shtimes., me propozimin e organit kompetent, gjegjësisht Drejtorisë për Kulturë, Rini dhe Sport (DKRS). Komisioni ka mandat prej 4 vjetësh, por mund të ndryshohet edhe për çdo vit sipas nevojës të cilën e propozon DKRS-ja.
- 6.2 Komisioni përbëhet prej 5 anëtarëve dhe ka këtë përbërje:
- 6.3 Dy (2) anëtarë janë nga DKRS, dy (2) anëtarë sportist eminent, të cilët nuk janë aktiv dhe anëtar në asnjë klub dhe një (1) pedagog (mësimdhënës) të edukimit fizik dhe sportit.

## **Neni 7**

### **Detyrat e Komisionit**

Komisioni mblidhet, i shqyrton aplikacionet dhe verifikon vërtetësinë e tyre duke u bazuar në rezultatet e arritura të secilit kandidat, harton një listë preliminare të fituesve të shpërblimeve sipas nenit 3 të kësaj Rregulloreje.

## **Neni 8**

Kryetari i komisionit, listën preliminare ia propozon për miratim drejtorit të DKRS-së dhe në afat prej 3 ditësh pune, kjo listë duhet të publikohet në tabelën e shpalljeve dhe në ueb-faqen zyrtare të Komunës

## **Neni 9**

### **Procedura e ankesave**

- 9.1 Ndaj vendimit për shpërblime dhe mirënjohje që jepen për sport, pala e pakënaqur ka të drejtë ankese në afat prej 5 ditësh.
- 9.2 Vendimi i komisionit të ankesave është përfundimtar në procedurë administrative.

## **Neni 10**

### **Komisioni i Ankesave**

- 10.1 Kryetari i Komunës me vendim themelon komisionin për shqyrtimin e ankesave për përzgjedhje. Komisioni ka këtë përbërje:
- 10.2 Një anëtar përfaqësues nga DKRS-ja (Kryetar i Komisionit),
- 10.3 Një anëtar nga administrata komunale (anëtar i komisionit),
- 10.4 Një anëtar nga shoqëria civile (anëtar i komisionit).

## **Neni 11**

Kryetari i Komunës, në bazë të buxhetit të planifikuar për sportist të vitit, merr vendim në lidhje me mënyrën dhe lartësinë e kompensimit të kandidatëve që do të shpërblehen.

## Neni 12

Lista e kandidatëve të zgjedhur nga Komisioni është përfundimtare. Në rast të rezultatit të barabartë në lartësinë e pikëve të kandidatëve, vendimin përfundimtar, e merr Komisioni me shumicën e thjeshtë të votave.

## Neni 13

- 13.1 DKRS e përcakton datën, vendin dhe mënyrën e ndarjes së shpërblimeve. Nga Komuna do të shpërblehen vetëm 4 sportistë të nominuar:
- 13.2 Sportisti më i suksesshëm,
- 13.3 Sportiste më e suksesshme,
- 13.4 Sportisti më i suksesshëm - i ri,
- 13.5 Sportiste më e suksesshme - e re, si dhe
- 13.6 Trajneri dhe klubi më i suksesshëm, ndërsa shpërblimi është publik.

## Neni 14

Rezultatet përfundimtare dhe votimi janë të disponueshme për publikun, individët (kandidatët), pasi të jenë shpallur më të mirët në sport në komunën e Shtimes.

## III - DISPOZITAT PËRFUNDIMTARE

### Neni 15

Në rast të paqartësisë të dispozitave të kësaj rregulloreje interpretimin ligjor e bënë sektori administrativ i Komunës së Shtimes, përkatësisht Zyra Ligjore.

### Neni 16

Kjo Rregullore hynë në fuqi 15 ditë pas regjistrimit në zyrën e protokollit të Ministrisë përgjegjëse, dhe publikimit në gjuhë zyrtare në ueb-faqen e Komunës.

### Neni 17

Zbatimin e kësaj rregulloreje janë të obliguar ta bëjnë: Kryetari, të gjitha Drejtoritë Komunale si dhe të gjitha Institucionet në nivelin e lokal të komunës së Shtimes.

### Neni 18

Rregullorja dhe Vendimi u dërgohen: Arkivit, Drejtorive, Institucioneve lokale, Kryetarit të Komunës, MAPL-së, MEF-it dhe Zyrës për Informim.



KRYESUESI I KUVENDIT

Adnan Ademi

## Aneks 1

**Tabela e Poentimit**

|                            |                                 |
|----------------------------|---------------------------------|
| Turnet zyrtare në Kosovë   | Medalja e bronzët .....2 pikë   |
|                            | Medalja e argjentë.....3 pikë   |
|                            | Medalja e artë.....4 pikë       |
| Kupa e Kosovës             | Fitues i Kupës .....20 pikë     |
| Kampionati i Kosovës       | Medalja e bronzët ..... 10 pikë |
|                            | Medalja e argjentë.....20 pikë  |
|                            | Medalja e artë..... 30 pikë     |
| Turnet zyrtare Ballkanike  | Medalja e bronzët .....5 pikë   |
|                            | Medalja e argjentë..... 10 pikë |
|                            | Medalja e artë..... 15 pikë     |
| Kampionatet Ballkanike     | Medalja e bronzët.....15 pikë   |
|                            | Medalja e argjentë.....30 pikë  |
|                            | Medalja e artë.....45 pikë      |
| Turnet zyrtare të Mesdheut | Medalja e bronzët .....10 pikë  |
|                            | Medalja e argjentë.....20 pikë  |
|                            | Medalja e artë.....30 pikë      |
| Kampionati i Mesdheut      | Medalja e bronzët..... 30 pikë  |
|                            | Medalja e argjentë.....50 pikë  |
|                            | Medalja e artë..... 70 pikë     |
| Turnet Evropiane           | Medalja e bronzët .....25 pikë  |
|                            | Medalja e argjentë..... 40 pikë |
|                            | Medalja e artë.....60 pikë      |
| Kampionatet Evropiane      | Medalja e bronzët.....40 pikë   |
|                            | Medalja e argjentë..... 80 pikë |
|                            | Medalja e artë.....100 pikë     |
| Turnet Botërore            | Medalja e bronzët .....35 pikë  |
|                            | Medalja e argjentë.....55 pikë  |
|                            | Medalja e artë.....90 pikë      |
| Kampionatet Botërore       | Medalja e bronzët .....70 pikë  |
|                            | Medalja e argjentë.....140 pikë |
|                            | Medalja e artë.....220 pikë     |
| Olimpiada                  | Medalja bronzët.....120 pikë    |
|                            | Medalja e argjentë.....240 pikë |
|                            | Medalja artë.....500 pikë       |

## Aneks 2

**Tabela për poentimin ekipor**

|                                                                                                  |         |
|--------------------------------------------------------------------------------------------------|---------|
| Ekipi puna me grup-mosha Pioneer                                                                 | 10 pikë |
| Ekipi puna me grup-mosha Kadetë                                                                  | 10 pikë |
| Ekipi puna me grup-mosha Junior                                                                  | 10 pikë |
| Ekipi puna me grup-mosha Senior                                                                  | 10 pikë |
| Kampion i Kosovës me Pioneer                                                                     | 15 pikë |
| Kampion i Kosovës me Kadetë                                                                      | 20 pikë |
| Kampion i Kosovës me Junior                                                                      | 25 pikë |
| Kampion i Kosovës me Senior                                                                      | 30 pikë |
| Fitues i Kupës së Kosovës                                                                        | 20 pikë |
| Ekipi me shikueshmëri më të madhe                                                                | 5 pikë  |
| Ekipi me struktura të kompletuara dhe ekipi më i organizuar me të gjitha kategorit e grupmoshave | 5 pikë  |

## Aneks 3

### FORMA E NOMINIMIT PËR LAUREATËT PËR SPORT

|                                                                                   |  |
|-----------------------------------------------------------------------------------|--|
| Emri i Klubit                                                                     |  |
| Emri dhe mbiemri i sportistit, sportistes, klubit, trajnerit, referit të nominuar |  |
| Data e lindjes së kandidatit të nominuarit                                        |  |
| Gjinia                                                                            |  |
| Adresa e kandidatit të nominuar / klubit të nominuar                              |  |
| Numri i telefonit, e-mail adresa e të nominuarit                                  |  |
| Lloji i çmimit për të cilin nominohet                                             |  |
| Data e themelimit të klubit                                                       |  |
| Motivimi për nominim                                                              |  |
| Emri i autoritetit që nënshkruan nominimin në emër të klubit                      |  |
| Nënshkrimi                                                                        |  |
| Data dhe vendi                                                                    |  |



KRYESUESI I KUVENDIT

Adnan Ademi